





LIBRE  
DISCOVERS  
FAIT AV ROY, SVR  
LA CONCLVSION  
DE LA PAIX.

*Par vn Seigneur de qualité.*



A PARIS,

Chez ABRAHAM SAVGRAIN, rue  
S. Iaques au dessus de S. Benoist.

---

M. DC. XVI.

*Avec Permission.*

DISCOVER


THE NEW YORK

LIBRARY

1816

39  
326

1616 L



1816

THE NEW YORK

LIBRARY

1816



## LIBRE DISCOVRS

FAIT AV ROY, SVR LA

*conclusion de la Paix.*

**E**N FIN SIRE, le Seigneur a exaucé nos prieres, & nous a octroyé ce qu'il a iugé necessaire au commerce, & à la société humaine. Desia plusieurs menaces nous faisoient craindre de tomber en nos dernieres disgraces, & de nous voir la proye & le butin du mal-heur de nos deuanciers. Mais Dieu mercy, ces frayeurs ont esté semblables à celles que les petits enfans reçoient du regard de leurs peres, Nous n'auons en autre mal que l'apprehension d'en auoir. Comme le Laboureur, voyant l'air obscurcy de quelque noire nuee, est tousiours en alarmes qu'elle ne luy rauisse le fruit de ses peines, & ne destruisse sa moisson, en fin la misericorde du Seigneur, ( qui bon pere de famille, nous donne plus que nous ne meritons ) la destourne & la fait distiller en pluye, ou tomber en quelque desert. Nous estions en perpetuelle inquietude, voyant les leueses des gens de guerre qui se faisoient par la France, & par les autres Prouinces: mais la clemence du Seigneur, nous a regardé en pitié, & à reünir les volontez de ceux qui nous pouuoient apporter de la crainte. Le Royne a cherché tous les moyens de dissiper cest

orage, qui nous tenoit en affliction. Comme vn Pilote expert, preuoyant la tempeste, plie les voiles, iette les ancrs, & rassure son vaisseau par sa vigilance. Ainsi ceste vertueuse Princesse à tant faict, & fait encor par sa prudence, & par sa dilligence, que la barque Françoisé est en seureté. Si on erigea des Autels à Rome, à celle qui treuua l'expedient de rallumer le feu esteint, par la négligence de la Vestalle, estimant que c'estoit la prosperité & le bon-henr de la patrie. Quel honneur deuous nous rendre à ceste vertueuse Royne de nous vouloir exempter des troubles, & des mal-heurs qu'appportent les diuisions, & les guerres ciuilles. On sçait bien que les victoires sont si sanglantes, & acheptees au pris de la vie de tant de gés de biē, que les veincēurs voudroient ne triompher point, & n'anoir rien perdu, tellement que deux ou trois victoires, destruisent l'armée du victorieux.

Les Indiens se gouuernent par les predicions de leurs Gimnosophistes, qui sont Philosophes nuds, & celuy qui leur peut annoncer quelque année fertile, & exempte des calamitez, & des miseres humaines, il a double gage, & vne gloire particuliere entre ses compagnons. Les François ayants esté gouuernez par l'heureuse regence de la Royne, laquelle leur a procuré vne année paisible, & sans trouble, ne doit-on pas faire quelque honneur particulier à sa bonté, oultre le respect ordinaire, que nous deuous à sa Majesté, & à sa vertu. Coriolan s'estant retiré de Rome, & n'ayant voulu retourner, n'y pour les prieres des Senateurs, n'y pour celles des Prestres, retourna

5  
à la persuation de Veturie sa mere. Les Romains  
en consideration de ce bon office, luy erigerent  
des statues, & ordonnerent des jeux & des festes  
à sa memoire. Maintenant donc, que Monsei-  
gneur le Prince de Condé est en terme de retour-  
ner en Cour par la sollicitation de la Royne, nous  
deuons honorer ceste illustre Princeesse, avec plus  
de ceremonie & de pompe, qu'on ne fit Veturie  
à Rome. Les Lacedemoniens se tenoient obligez  
à la mere de Cleomene, d'auoir rabaislé sa qua-  
lité pour le bien de leur republique, & de s'estre  
mise en ostage, pour la deliurer de la captiuité &  
de l'innuasion des Égyptiens. Qu'elle recognois-  
sance doit le peuple François à la mere de nostre  
Roy, de n'auoir point voulu porter la main haute  
mais d'auoir traicté avec douceur, pour le bien  
del'estat, & du Royaume, a fin que le peuple ne  
fut tourmenté des gens de guerre.

Nous auons aussi de l'obligation à Messieurs les  
Princes & Seigneurs qui ont esté tousiours au-  
prés de vostre Majesté, comme estoit leur deuoir  
tesmoignant en cela que leurs Alerions ne font  
leur ayre que sur la tour du temple de Salomou,  
C'est à dire, qu'ils sont tellement attachez de cœur  
& d'affection à la fleur de Lys, que leur plus pro-  
ches parens ne leur sont rien au respect du seruice  
du Roy. Que mesme ce sont les quatre Aigles,  
qui ne destournent iamais leur veüe de la lumiere  
du Soleil. Les Astrologues tiennent, que le Soleil  
est au signe du Lyon, quand il faict renaistre le  
Phenix de la cendre de son pere, & que ce signe  
est fauorable à la longueur de les iours.

Messieurs les officiers de la Couronne, ont



contribué leurs salutaires aduis, au bon-heur de cest accord, afin de ne voir la desolation que les guerres civiles apportent, estant bien resolu de faire paroistre leur prouësse, ou le commandemēt de vostre Maieſté les obligera, & vieilliront au salut de la France cependant que tout le monde est en festin, & en reiouysſſance du bon-heur de ceste reconciliation.

Messieurs les Conseillers de l'Eſtat & Courōne de France, ont recherché tout ce qu'ils ont estimé nécessaire au bien public, ſçachant bien qu'il vaut mieux aller au ſecours de nos voiſins, pour la deſſence de la Foy, que de faire venir les eſtrangers pour executer les paſſions des particuliers.

Messieurs de la Cour n'ont pas moins trauaillé à ceste reünion que les autres, auſſi eſt-cela plus grande Juſtice, que de rendre à chacun le ſien, & d'empêcher qu'on ne face tort à perſonne. S'ils iugent equitalement de ce qui appartient à vos ſubieſts, & s'ils en doiuent auoir la cognoiſſance à plus forte raiſon, il ont eu ſubieſt de s'entre-mettre de ce qui regardel'authorité, & la puiſſance de vostre Maieſté, & de tenir la main forte à la Royne, pour la protection de noſtre Monarchie & de noſtre Monarque.

Les enfans deuiennent louches, en regardant le Soleil obliquement, de meſme ceux qui regardent vostre Maieſté avec vn autre intention que de le ſeruir reçoient leur chaſtiment ſur l'heure. Dieu mercy tout le monde eſt à preſent en ſon deuoir, & perſonne ne ſe deſuoyera del'obeyſſance qu'il a iurée a vostre Maieſté.

Monſeigneur le Prince de Condé eſt le premier



qui veut assister la France des effects de ses armes & des resolutions de son bel esprit C'est l'Hector qui se porte a la deffence de la Monarchie de nostre nouvelle Troye, comme ayant interest à sa ruïne & a sa prosperité.

Messieurs de Longueville, de Mayenne, & de Vendosme ont trop bien seruy la France, pour ce desdire a present de l'affection qu'ils ont vouée au salut, & a la tranquillité de l'Estat. Aussi leur devons nous rendre l'honneur que leur courage merite, & que leur bonne volonté nous oblige de leur rendre.

Or donc Sire, nous vous offrons nos cœurs & nos volontez cōme à nostre Prince legitime, tant pource que nous y sommes obligez, par le droict de nostre naissance, que pour en recevoir des faueurs en vn temps qui sembloit nous menacer de quelque disgrâce, & protestons de rendre des loüanges à la Roïne vostre mere, d'auoir par sa preuoyance destaché ce glauiue, qui pendoit sur nostre chef, ayant recherché ce qu'elle a iugé necessaire à nostre tranquillité.

Nos maisons ne seruiron point de retraite à ceux qui en y entrant se fussent voulus rendre les maistres de nostre liberté & de nos possessions, & nous yrons sans crainte chacun au commerce de sa vacation. Le Laboureur fera sa cueillette sans apprehension, & le Vigneron foulera ses vendanger sans crainte d'estre reduit en seruitude, ny de trauailler pour le premier qui logera chez luy. Les Artisans seront payez du salaire de leur peine, & personne ne treuuera antre desplaisir, que celuy, qu'il cherchera en sa desobeyssance.

Nous Prions Dieu , Sire que ceste Paix que vous nous avez donnée , recerchee par la prudence de la Royne , autorisée par le Conseil des Princes, & des officiers de la Couronne soit mise en effect par Messieurs du Conseil d'Estat & du Parlement , & qu'elle demeure à iamais perdurable , & que le premier qui violera cest accord au preiudice de sa foy iuree , & du service de vostre Majesté , boyue le premier le venin de sa coupe , afin que nous puissions iouyr tous en repos , des biens & des faueurs que le Ciel maintenant nous octroye par vostre bonté & clemence,

**FIN.**

I. 506 -

